

TE HUIHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 4.

Eperela, 1924.

Mat. 18.

*Ei te ture, ei te parau, ta ratou e imi; ia ore ia faaau
i ta ratou parau i taua parau ra, no te poiri ia i na reira'i
ratou ra. Isaia 8: 20.*

Na Huru Haapiiraa e Piti

I roto i te hoê putuputuraa rahi taata, ua tia maira te
hoê hoa Evanelia, e na ô maira oia e: "Eaha te faufaa te
Buka a Moromona, tei ia tatou te Bibilia?"

Oia mau ta'na, tei ia tatou te Bibilia. Area râ ua hape
to te ao nei i ta te Bibilia haapiiraa.

Ua papaihia i muri nei te tahi na haapiiraa e toru
ahuru ma ono, tei haapiihia e te mau haapaoraa êê, o tei
ore hoi i au i ta te Bibilia haapiiraa.

E no te haapiiraa'tu i teie nei mau parau hape, ua
papu roa ia ia tatou e, ua au roa i to te ao nei te Evanelia
i faaho'ihia mai e te melahi, mai tei tohuhia e Ioane o tei
papaihia i te Apokalupo 14: 6-7.

Te haapii-noa-hia nei teie nei mau haapiiraa huru ê e
te mau Ekalesia o te ao nei; eiaha râ e te Ekalesia a Iesu
Mesia i te Feia Mo'a i te Mau Mahana Hopea Nei; te
tatau nei ia i ta te Bibilia. Na te mau faaauraa i muri
nei, oia hoi, ta te Haapaoraa êê, e ta te Bibilia, e haapâpû

mai ia tatou e, ua au roa i teie nei mahana te mau heheura e te maramarama apî no nia i te Evanelia mau.

1. Ta te Haapaoraa êê

E varua ana'e te Atua, aore to'na e tino i'o e te ivi.

1. Ta te Bibilia

Ua hamanihia te taata ma te huru e te hoho'a o te Atua ra. Genese 1: 26-27.

E tino i'o e te ivi to Iesu Mesia i to'na tia-faahou-raa ra; e mai ta Paulo i faaite mai, "e hoho'a mau ia no te Atua iho." Hebera 1: 3.

2. Ta te Haapaoraa êê

E Metua te Atua no tatou i te hoê huru fîfi e te papu ore.

2. Ta te Bibilia

Adamu to tatou metua i te pae au tino nei, e tamaiti oia na te Atua. Luka 3: 38.

Ua haapîi mai Paulo e, e mau tamarîi tatou na te Atua. Ohipa 17: 28-29. E e metua atoa hoi te Atua no to tatou mau varua. Hebera 12: 9.

3. Ta te Haapaoraa êê

E ere Iesu Mesia i te Tamaiti Fanau-Tahi na te Metua i te tino nei.

3. Ta te Bibilia

E Tamaiti Fanau-Tahi Oia na te Metua ra. Ioa. 1: 14.

4. Ta te Haapaoraa êê

E ere Iesu i te taata-taa e i te Metua.

4. Ta te Bibilia

No ô mai Iesu Mesia i te Metua.

E ua pure atu Oia i te Metua. E ua pee atu i te metua, e te tia noa nei â oia i te rima atau o te metua. Ohipa 7:55.

Te haapîi papu mai nei teie parau e, e mea taa ê roa Iesu Mesia i te Metua i te pae tino.

5. Ta te Haapaoraa êê

Aita roa Iesu Mesia i tia faahou mai i nia ma te tino i'o e te ivi.

5. Ta te Bibilia

Te na ô maira Iesu i muri a'e i to'na tia-faahou-raa mai: "a hi'o mai na i tau rima e tau avae; o vau mau â; a fâfâ mai na ia ite: aita o te varua e i'o e te ivi mai to'u nei ta outou e hi'o mai nei." Luka 24: 39.

Ua anihia maira Toma e Iesu ia fâfâ mai i te puta auri i roto i to'na rima e to'na aoao. Ioane 20: 27.

Aita to Iesu tino i vaiihohia ia tahuti noa ra. Ohi. 2:31.

6. Ta te Haapaoraa êê

E ere ia te Torntahi e na taata taa ê e tootoru.

6. Ta te Bibilia

I to Iesu bapetizo-raa-hia tei i roto i na vahi taa ê e toru i te taima hoê, te Atua, e te Tamaiti, e te Varua Maitai. Mataio 3: 16-17. I muri a'e i to Iesu peeraa'tu, ua itehia oia i te pae atau o te Metua ra. Ohipa 7: 55.

No ô mai te Fa'aa'o i te Metua. Ioane 15: 26.

No reira, na taata taa ê tootoru ratou, te Atua e te Tamaiti e te Varua Maitai.

7. Ta te Haapaoraa êê

Te huru hoêraa o te Metua, te Tamaiti e te Varua Maitai e hoêraa mau ia; eiaha e mana'o e e opuaraa rotahi ana'e.

7. Ta te Bibilia

Te na ô maira Iesu i to'na pureraa i te Metua ra, "Ia hoê a'e ratou mai ia taua atoa nei â." Ioane 17: 11.

Te hoêraa ta'na i pure nei i te Metua ra o te hoêraa ia i

to ratou haerea, e te ohipa, e te mana, etc. Teie ia te hoê-raa o te Metua, e te Tamaiti, e te Varua Maitai.

8. Ta te Haapaoraa êê

Tei te Bibilia ana'e ia te parau a te Atua.

8. Ta te Bibilia

Aita Iesu i haapii mai e, tei te Bibilia ana'e te parau a te Atua; ua haapii mai râ oia e, "E ora te taata i te mau mea i haapaohia e te Atua." Mataio 4: 4.

E ua parau atoa mai oia e, na te Varua parau mau ra i aratai ia tatou. Ioane 16: 13.

9. Ta te Haapaoraa êê

Ua navai roa te Bibilia ana'e ei aratai no tatou i te faaroo e te haapao.

9. Ta te Bibilia

Aita i faaitehia te hoê parau i roto i te Bibilia e, ua navai roa te Bibilia ei aratai no tatou.

Aore i papaihia i roto i te Bibilia te taatoaraa o te mau heheuraa i horoahia mai i te tau ana'e no Iesu ma.

Ua papaihia râ te tahi mau tohuraa tei faaite mai ia tatou e, e tupu mai te tahi mau parau a te Atua i muri rii a'e i te tau o te Bibilia. Apokalupo 14: 6-7.

10. Ta te Haapaoraa êê

Aore roa te Atua i opua e horoa faahou mai â i Ta'na parau mo'a i te taata nei i muri atu i te tau o te mau aposetolo tahito.

10. Ta te Bibilia

O te Varua Maitai ra, o te varua heheu ia. Parau atura Iesu e, e rave te Varua i ta te Atua ra, a faaite mai ai i te taata nei. Ioane 16: 13-14. Aita roa i faaitehia i roto i te Bibilia e, e faaea te Varua i te horoa mai i te heheuraa i muri atu i te tau no te mau aposetolo.

E tuatihia teie nei parau

Te Hoê Parau Iti ei Faaitoitoraa

(Tuatiraa teie nei parau.)

67. Na te Varua Maitai iho e faatupu i te tohu ra. Korinetia 1, 12: 8-10. Ia rahi roa te Varua Maitai i roto i te taata nei, ua rahi atoa hoi ia te mau peropheta i rotopu ia ratou ra o tei tohu noa i te mau mea e tupu a muri atu, ia paari te aau o te taata nei, e ia faatupuhia te tiaï e te tiaturi i roto ia ratou ra. Ia iti te Varua Maitai i roto i te taata nei, ua iti atoa hoi ia te mau peropheta, te mau tapao, e te mana o te Atua i rotopu ia ratou ra. O te feia atoa o tei tohu noa i ta te varua ra; no te mana mau o Iehova i roto ia ratou, e peropheta ana'e ia ratou atoa ra.

68. Ua tuu atura te Atua i te mau peropheta i roto i te ekalesia tahito ra. E peropheta Iesu Mesia ra. Mataio 21: 11; Ioane 4: 19; 6: 14; 7: 40. Ua tohu atura oia i to'na ihora haavâ-raa-hia ra, Mataio 26: 21; to'na ihora poheraa, Mataio 16: 21; te vavahiraa i te hiero i Ierusalem ra, Mataio 24: 1-2; te hamani-ino-raa-hia o ta'na ra mau pipi ia reva ê oia ra, Mataio 24: 9; e e rave rahi atu â mau mea ra. Ioane 21: 25.

69. E peropheta atoa hoi ia Ioane Bapetizo ra. Luka 7: 28; Mataio 11: 11. O Agabo, o tei faaite atea mai i te ruuruu-raa-hia o Paulo e te ati Iuda ra, e peropheta atoa hoi ia oia ra. Ohipa 21: 10.

E peropheta hoi Paulo ra. Ua tohu atura oia, i te na ôraa atu e: "E matapôhia oe, oia hoi o Bara-Iesu eita oe e ite vave i te mahana." Ohipa 13: 11. E oia mau atura.

70. I to Paulo ma tereraa'tu i Roma i nia i te miti rahi ra, na roohia maira ratou e te hoê mata'i rahi u'ana ra, e ua mana'o ihora te feia tere e hope roa ratou atoa i te pohe. Ohipa 27: 20. Ua tohu atura râ oia, na ô atura,

“E ore roa te hoê o outou nei e pohe, maori rā o te pahi.”
 Ohipa 27: 22. Riro atura taua tohu na ei parau mau roa.
 Ohipa 27: 44.

Ua tohu maira hoi oia i te taivaraa o te tahi pae o te ekalesia ra; Timoteo 1, 4: 1-3; e i te ati rahi e te ino e tupu ai i te tau hopea ra. Timoteo 2, 3: 1-7.

71. E tau peropheta tei roto i te amaa o te ekalesia i te oire Anetiohia ra. Ohipa 13: 1. E teie nei, ua taa maitai roa ia tatou e, tei roto i te ekalesia tahito te mau peropheta, e eaha e ore ai i teie nei tau ta tatou e parahi nei? Ua faaorehia anei te mau peropheta? Eiaha roa ia. Aita i oti ta te peropheta mau ohipa i faaitehia mai i roto i te Ephesia 4: 11-15. Ua hinaaro ihora Mose ia riro roa te taata paatoa ei peropheta ana’e e ati noa’e. Num. 11: 29. Te reira hoi te hinaaro o Iesu Mesia ia tatou nei, e no reira a tamata noa tatou ma te aau tatarahapa, te haehaa, e te viivii ore, ia noaa ia tatou atoa tei faatupu i te tohu. Ioane 16: 13. Ia riro tatou atoa nei ei peropheta ra.


“O te parau ia Iesu ra, o te varua ia o te tohu.”
 Apokalupo 19: 10. A imi hoi tatou i te basileia o te Atua, tei reira te mau peropheta ora ra, e na ratou e faaaratai i to tatou avae e tae atu ai i te hinubinu, te tura, e te pohe ore, oia ia te ora mure ore ra.

72. “Te mau Tahu’a Rahi”:—E tahu’a rahi ia Iesu Mesia ra. Hebera 3: 1; 5: 10. Te faaite maira Paulo i te ohipa a te tahu’a rahi i taua anotau ra, oia i na ô maira e, “O te mau tahu’a rarahi atoa i maitihia no roto i te taata nei, ua haapaohia â ia na te taata, ei rave i te mau mea o te Atua ra, ei hopoi i te poresephora e te tusia taraehara ra: e tia hoi ia’na ia aroha i te ite ore, e te feia i hapa, no te mea e ati atoa to’na iho i te paruparu.” Hebera 5: 1-2. Eita e tia i te taata e rave noa i taua toroa ra, eita hoi e tia ia rave noa i te tahi atu toroa, maori rā ia maiti-mau-hia oia e te Atua ra. Hebera 5: 4.

(E tuatitia teie nei parau.)



To te Fatu Fâraa mai ia Maria i muri a'e i to'na Tia-faahou-raa mai.



To te Feia Mo'a haeroraa i te mau mou'a ofai ra, oia o Utaha.



To te medebara Utaha faairi-~~raa~~-hia e te Feia Mo'a ei oire nehenehe e te ruperupe i teie anotau.

“E riro te one veavea ra ei pape hopuua, e te repo mārô ra ei pape pihaa ana'e: e ei te parahiraa o te teni ra e tupu ai te aretu, e te aeho, e te gima ra. Ei reira hoi te hoê e'a rahi, e e'e'a hoi; e mairihia hoi te reira, o te e'a mo'a: aore e taata viivii e na reira te haere ei pihai atoa ihora te Atua ia raton, i te haerearaa na taua e'a ra, e e ore hoi te taata ite ore e hapa i te reira e'a.” Isa. 35: 7-8.

Te Mau Parau Apî Radio

Hoê pahî tama'i apî e 8000 tane, i oti faahou i Farani, e ua tae i raro i te tai.

Ua pohe roa o Nivelles Tenerara Farani tuiroo e te mairai rahi.

Ua putuputu te feia toro'a no te apooraa rahi faatere fenua Farani, no te feruriraa i vetahi mau ravea e roaa mai ai i te fenua te moni hau a'e i te moni e aufauhia'tu e te huiraatira, e ua oti i te haamanahia taua titaunaa ra.

Ua itea faahouhia ta te enemi mau haavare rarahi, pariraa haavare ia Farani ia ino faahou te farane, oia hoi te toata Farani.

Ua fa'i roa te faaterehan Purutia e, aita mau e ravea, maori râ ia faaafaro te Purutia i ta ratou utua, na te reira e faatiamâ faahou i to ratou hau.

Faaiteraa no Ruru

Ia hinaaro outou i te tape'a, e te uati, noa'tu te huru;

Ia hinaaro outou ia hamanihia to outou mau tape'a, te pine, te tantau;

Ia hinaaro outou ia tataihia to outou mau tape'a;

Ia hinaaro outou i te hoo mai i ta outou mau tiko, te patoetoe, te mau tape'a tahito, te hei pupu, etc.;

Ia hinaaro outou ia papaihia to outou mau i'oa i nia e aore râ i roto i to outou mau tape'a, te pine, e te tantau;

Ia hinaaro outou ia faaapîhia to outou mau tape'a tahito;

Haere i o Ruru

*to'na iho â fare parai rea ute
te aroa Petite Pologne*

PAPEETE

NENEIRAA HOHO'A

Noa'tu te huru e te faito i hinaarohia, e oti nehenehe i ô nei ia Viriamu.

O te mau huru ohipa ho-ho'a e ravehia nei.

William Crake

I pihaito i te Fare Moni Initia Taina

PAPEETE

Tao'a Apî Farani

Mea rahi te taihaa apî no
nia mai i te pahirahi Farani.

Pereoo taataahi tane
e te vahine—te au'a
e te mereti—e ua rau
te huru te ahu Fara-
ni ana'e.

Ia mataitai ana'e ua rave
iho â.

Fare Toa No Aiu.

FARE TAMAARAA TINITO

I Tatahi tei fatata i te fare toa no Pute

Teie te Hooraa

Te mau roi auri, rei raau, rei veo;
Te mau afata ume, afata roa, afata
raau noanoa, afata ma'i (pohe);
Te mau huru UPAUPA, Mando-
line, Guitare, Ukulele, e to'na
mau niuniu atoa;

Te mau huru peni vaa, Fare, Pere-
oo, Afata Ume, e te tahi atu â.
Tei reira'toa hoi te hamani raa e te
tatairaa i te mau huru haneti atoa.
Tei reira'toa te mau hahu raa, e te
êê raa raau.

Tei reira'toa te tarahu raa Pereoo
uira: taniuniu noa io Bambridge,
Papeete, ia tae atu te Auto, no-
a'tu te hora i te pō e te ao.

Bambridge, Dexter & Co.

oia hoi io THOTI MAEHAA

Ua amaha roa te apooraa Purutia faatere no te fenua.

Te imi noa ra te apooraa faaterehau Farani i te mau
ravea no te faaafaroraa e no te haamaitairaa i te mau fîfi e
rave rahi. Na te reira e haamaitai atoa i te moni. E rave
rahi hoi te mau vahi i tîlîaifaro e ua huru maitai i teie nei
te moni Farani. Ta vetahi parau te vai nei te ati huru
rahi o te feia tauî moni.

Ua arue to te mau hau êê i te huru o te faatereraa a
Poincaré te Peresideni o te apooraa Farani. Noa'tu te mau
faaino, te mau faahaparaa, te mau ravea ia huru ê to'na
mana'o, te mau haavî e te mau opuaraa e rave rau, aita
râ o Poincaré tane i fati, aita oia i huru ê, aita oia i vare e
aita atoa hoi oia i taiâ. Hoê huru e inaha nei. O te mai-
tai o te taata'toa ta'na e imi ra. E e tupu iho â.

Ua itehia a'enei i roto i te fenua Tarafonia i Amerika, te hoê mau tino pohe ivi, o tei mana'ohia e, no te hoê feia i parahi i te fenua Amerika i te tau tahito roa. Ua faaitchia e, e toru tausani matahiti i mairi a'enei te oraraa taua feia ra, e parauhia maira o te hoê ia pupu no te feia Inidia no Amerika.

Hoê taata i Amerika e mau puaatoro ta'na, e pinepine roa ia haere oia e faaote i te puatoro i te mau poipoi, ua pau roa te û. Ua papu roa ia'na e, te haere noa maira te hoê taata i te pô, a eiâ mai i ta'na û, e no reira i te hoê pô tau i atura oia i te hoê asini ino roa no te tue i te puaatoro i faaote-huna-hia, taamu atura i te asini i roto i te piha i taamuhia'i taua puaatoro ra. E poipoi a'era, haere atura oia e hi'o, e eaha te huru, e te vai ra i reira te hoê bakete tue-ino-roa-hia, e te taupoo no te hoê taata; te û râ, te vai noa ra ia i roto i te puaatoro, e aita i eiâ-faahou-hia ta'na û, e teie nei â.

Ua Faaroo Tatou

I te parau api o te tau i o te moni Marite e te moni Beritane—e no reira ua pee te moni o te mau taihaa i nia.

Mea Mama ta Pute

Aita râ te moni o te pua i te faretoa a Pute i haerei nia, no te mea no Tahiti iho nei te hamani-raa-hia.

Hoê Noa-Iho Afa i te Pâ

A. Leboucher

PAPEETE

Tamuta Hamani Pahi e te Fare

Mai te mea e, te opua nei oe i te hoô i te tahi poti tere roa a'e i te tahi atu â mau poti, haere io PERO, oia hoi, F. R. & I. E. WALKER, na ratou e hamani i taua poti ra ma te maitai e te hoo māmā.

Haere na a mataitai i ta ratou mau hoho'a poti, haere na a mataitai i ta ratou aua hamani-raa pahi.

Farerei na ia PERO ma, no te hamani-raa i to oe fare, eita oe e tata-rahapa.

Afai na ta oe mau iri raau i hinaaro i te êê e te hahu ia PERO ma, na ratou e rave.

F. R. & I. E. WALKER

PAPEETE

Ua tapeahia te hoê taata, o Lee Cook to'na i'oa, i roto i te fare auri i te fenua Amerika no te eiâraa i te hoê pereoo uira. I muri a'era râ, faatiamâhia oia no te hoê noa iho hora, a faaipoipohia'i raua o te hoê vahine. Ua riro te mutoi ei ite no taua faaipoiporaa ra. Ia oti râ te faaipoiporaa, ho'i atura te vahine i to'na fare, e faaho'ihia'tura te tane i te fare auri e faaoti roa i ta'na utua no te ofatiraa i te ture.

Ua afaihia a'enei te hoê vahine i roto i te hoê fare ma'i rahi i te fenua Amerika e tapuhia'i to'na opu. Aita te mau taote i horoa i te raau faataoto ia'na, pamu noa ihora râ i te hoê raau ê i roto i to'na opu ei faaore i te mauui, a tapu atu ai; e te ara noa ra taua vahine ra, te mataitai noa ihora i te tapuraa i to'na iho opu. Ua iriti-noa-hia to'na opu, tapuhia te tahi tufaa, faaruehia atura, faaho'ihia maira te opu i to'na vairaa, nirahia ihora te iri, e aita ona i ri'ari'a e aita hoi i mauui. E piti hora te maoro o taua ohipa a te taote ra, e te paraparau noa'tura taua vahine ra ia ratou. I muri iti a'era, ua ora roa taua vahine ra, faarue atura oia i te fare ma'i.

E peapea rahi tei te fenua Beritane i teie nei mau avae i mairi a'enei; e mai te peu e, no te au ore i ropu i te feia rave ohipa e te mau paoti ohipa, ua faaea ihora te mau taata i te rave i te ohipa. Ia tapae atu te mau pahi i te mau uahu, aita i faatiahia ia rave-maitai-hia te ohipa; ua huri-noa-hia te taihaa i nia i te uahu, a vaiihohia'tu ai. E piti tausani pute rata na te hau Amerika i vaiiho-noa-hia i nia i te uahu, i te taeraa'tu o te hoê pahi; e muri iti a'era ua tae atoa'tu te tahi pahi Amerika, e e toru tausani pute rata faahou i huri-noa-hia i uta, a vaiihohia'i. E rave rahi te mau mutoi e te faehau Beritane te tia'i noa ra e paruru i taua mau pute rata no te fenua Amerika ra.

i te
rate

11.

mai

11.

No

12:

ato

12.

hia

12.

ao

loa

teie